


1





石湖居士文集卷第二十三

詩

送江朝宗歸括蒼

半生三解后相看成老翁詩情故翠嶺袖有天都峯
江山佳麗地登臨苦匆匆塔燈落淮水寺樓倚霜空
攬拾著錦囊撫掌夸宏躬工歸轡不可挽思入孤征鴻
洞天我昔遊俛仰星一終士友歎契闊吏民念罷癘
婆娑故將軍白髮簿書叢足趼雖四方夢寐煙雨東
歸田有脚力尚往尋行蹤期君斬寒藤伴我搢枯筇

鍾山閣上望雨



天闊山長雨似煙忽然飛去暗平川
杭禾未實私禾瘦不用廉纖便霈然

除夜

婪尾杯殘雪滿簪床頭曆日費光陰
故山巧入忙中夢新歲尤關客裏心
烏鵲倦時三匝繞鷓鴣穩處一枝深
勞生佚老尋常事從政那堪力不任

8 元日

老來百味絮沾泥期會關身尚火馳
幾夜鄉心歌枕處今年脚力上樓時
酒釭幸有乾坤大丹鼎何憂日月遲
莫道神仙無可學學仙猶勝簿書癡

體中不佳偶書

生平人比似維摩試比虺虺不啻過
舊摘衰髯今雪徧頻揩病眼轉花多
從來世味聊復爾此去官身如老何
收拾頽齡加藥餌尚堪風月對婆娑

坐嘯齋書懷

時方治眼濟

老來窮苦事相違兀坐鈴齋竟日癡
眼目昏緣多押字曾襟俗為少吟詩
月侵燈影吏方去春徧梅梢官未知
直待食新方緩帶明朝騎馬問陵陂

寶公祈雨感應用陳中公韻賦詩為謝

膺原龜坼莫春時夾路爐薰共禱祠
喚起雲頭千嶂

湧飛來雨脚萬絲垂無情梅塢猶紅綻有意秧田盡
綠滋大施門開須滿願願均此施匝天涯

送徐叔智運使奉祠歸吳中

手種湖邊花百畝東風自夜催歸去當年辛苦種花
時不道白頭猶未歸君如肯過城南陌但向水雲紅
處覓煩呼猿鶴問平安當有畦丁解看客我今江船
亦欲東檝迎楓橋成兩翁壓枝萬朵雖過盡尚及巢
龜蓮葉中

送舉老歸廬山

二千里往回似夢四十年今昔如浮去矣莫又留桑

下歸歟來共煨芋頭

題現老真

三十年來共葛藤如今蓮社冷如冰茶瓜櫻筍遊山
會從此齋廚欠一僧

致一齋述事

文書煙海困浮沈不覺盤跚百病侵偶問客年驚我
老忽聞鴛鴦語歎春深今朝麥粒黃堪麪幾日秧田綠
似針除却一犁春雨足眼前無物可關心

次韻楊同年祕監見寄二首

瘴雲風雨幾時歸應把周南視九夷舊說鬼神驚落

筆新傳孤兔駭寒旗韶江石老簫音在庾嶺梅殘驛
使遲自古朱絃清廟具莫貪鵬海看天池
吾衰長愧接輿狂心裏何心領燕香塵土簿書憎鐵
硯水雲簑笠傲金章論文無伴法孤起訪舊有情書
數行何日却同湖上醉露幃霄幄為君張

曉起信筆

午枕汗如洗曉櫛氣稍蘇莎蛭試風露滿意鳴相呼
倦客感節物流光不躊躇秋聲起如許殘暑何足驅
人言今歲熱迥與常歲殊此理恐未然豈不知頭顱
年年有三伏日日非故吾婆娑今尚可後當彌不如

病骨須一涼未暇惜居諸坐來有清思西風控井梧

送曾原伯運使歸會稽用徐叔寶韻

秧田水滿麥栖畝勸農使者翩然去去年愁苦救荒
時豈敢夢為今日歸天津橋西官柳陌文書燈火長
相覓江山信美不留人寂寞回潮工送客鏡湖一曲
浙河東萬頃太湖簑笠翁願賡四愁作五詠我所思
兮思剡中

王南卿母挽詞

櫛縫稱純孝笄珈蚤隱憂病中心已化身外世如浮
聞道悲風木誰能駐壑舟佳兒行古道足以賁潛幽

次韻鄭校書參議留別

年豐方共慶歲晚客它之吏事朝還莫人生合復離
江山殘夢破風月片帆移後會吾衰矣桑榆一叢絲
重九賞心亭登高

憶隨書劍此徘徊投老雙旌重把杯綠鬢風前無幾
在黃花雨後不多開豐年江隴青菡徧落日淮山紫
翠來飲罷此身猶是客鄉心却附晚潮回

寄題王仲顯讀書樓

嗜書如嗜酒知味乃篤好欲辯已忘言不為醒者道
使君青箱家文史裝懷抱平生名教樂雙旌不滿笑

忽乘雪溪興來棹秦淮棹立亭客漂泊夜夜短檠照
人云太癡絕我自斲輪妙今朝檣竿起昨夢繞閣皂
云有百尺樓歸寄北窓傲滴露紉朱黃拂塵淨細縹
想當呻畢時寧復羨騰趨古心千載事俗眼詎能料
蕭灘富還往取友必同調一張復一弛釀秫助歌笑

菊樓

金陵出一種菊甚高園丁
結成樓塔或至一二丈

東籬秋色照踈蕪挽結高花不用扶淨洗西風塵土
回來看金碧萬浮圖

北門覆舟山道中

莽莽霜風掠弊貂簿書塵外訪漁樵林煙色淡如濛

雨塘水痕深似落潮。鴈字紅天聞塞管。梅梢山路欠
溪橋。騎驢索旬當年事。歲莫騷人不自聊。

送郭明復寺丞守蜀州

士進固未易退亦良獨難。西州多故人歸路常險艱。
有道獨行意郭舟若神仙。勿輕銀菟符傾倒金貂蟬。
唐安君昔遊百萬。蠲逋錢我亦嘗客夢醉歌采菱船。
父老尚相記况君有前緣。想見東西湖恩波漲春瀾。
此地著經濟紗籠相後先。潭潭相業堂新題我所刊。
政為來者地君行豈偶然。去去進明德後日五四賢。

元日謁鍾山寶公塔

雪後江臯未放春。老來猶駕兩朱輪。歸心歷歷來時
路。官事驅驅病裏身。未暇雞窠尋古佛。且防鶴帳怨
山人。君看王謝整邊地。今古功名一窖塵。

元日馬上二絕

泥絮心情雪樣髭。詩囊羞澁酒杯嬾。年來萬事都消
減。唯有床頭曆日添。

筋骸全比去年非。騎吹聲中憶釣磯。待得江風欺老
病。何如聞健一簑歸。

春晚

荒園蕭瑟懶追隨。舞燕啼鴛各自私。窻下日長多得

睡尊前花老不供詩吾衰久矣雙蓬鬢歸去來兮一
釣絲想見籬東春漲動小舟無伴柳絲垂

北窓偶書呈王仲顯南鄉二友

官居故偏仄北窓誰所開胡床憇午暑簾影久徘徊
高槐忽低昂知有好風來須臾墮几席篆香小飛灰
病翁亦披襟月露裝竒懷龍頭暴背耘水畫婦子偕
不辭夢山裂田水如撥醅去年豈堪說稻根已浮埃
使君坐侯宅窓間即涼臺何敢訴苦熱灑然肋心齋

賞月
中秋清暉閤靜坐因思前二年石湖四明

前年銀界接天迷去歲金盤蕩海低漂泊相逢重一
笑秦淮東畔女墻西

玉麟堂會諸司觀牡丹醑醱三絕

東風微峭護餘春紅紫香中酒自溫不用忙催銀燭
上醑醱如雪照黃昏

洛園姚魏碧雲愁風物江東亦上游憶起遨頭八年
夢彭州花檻滿西樓

莫向花前惜酒盃一年一度有花開浮生滿百今強
半歲歲看花得幾回

重九獨坐玉麟堂

江上西風動所思又將清賞負東籬年年客路黃花
酒日日鄉心白鴈詩龍月秦淮無舊曲馳煙鍾阜有
新移人生笑口真稀閱况值官忙閱雨時

次韻舉老見嘲未歸石湖

半世吟客舍柳長年憶後園花為報廬山莫笑雲立
今屬誰家

次韻曾仲躬侍郎同登伏龜樓二絕

帶東江淮翠岫圍掌規臺殿碧鱗差劉郎句裏登臨
眼壓倒三江二水詩

古來游客謾西東領會誰如我與公露坐繩床天不

畫絕勝簾雨棟雲中

題李雲叟畫軸兼寄江安楊簡卿明府二
絕

蒼煙枯木共荒寒籬落堤灣洶漲湍歸路宛然歸未
得閑將李叟畫圖看

新圖來自雪邊州皴石枯槎筆最道明府能詩如此
畫為渠題作小營丘

晨出蔣山道中

霜痕如雨沁東郊樂歲家家一把茅故國丘陵多變
龍土新晴籬落有梅梢小山何在應招隱北嶺如今已

獻嘲歸計未成聊琢玉飄颻風袖作推敲

有感今昔二首

陽春白雪雅音希俚耳冬烘輒笑嗤塵見麗姬翻决
驟鳥間韶樂却憂悲爛矣輕薄人何敢伏獵荒唐自
不知蚓竅蠅鳴莫嘲謂彭亨菌春蠹正當時

飄風驟雨謾驚春掃蕩何煩臂屈伸天職不衷宜不
怒神散非類即非仁休離地下枯魚骨且聞尊前健
犢身靜者可憐還可笑香山寧是幸災人

種竹歎向在成都種竹滿西園偶苦寒疾
竭來金陵復種繞池未幾以眩卧問家人

子遂謂不當種竹其說甚可怪歎口占此
詩

宣華種萬竿寒疾適相值玉麟種千竿偶復須藥餌
僮奴狃今昨競道竹相崇如將聖作狂似以儒為戲
此君來聲寬林神亦短氣我夢不平鳴霍然推枕起
明當還石湖賸種千畝地未論比封君且用執讒喙

公退書懷

昨者騰章奏發倉今茲飛檄議驅蝗四無告者僅一
飽七不堪中仍百忙皦日自能臨俯仰浮雲寧解制
行藏求田問舍亦何有歲晚倦遊思故鄉

石湖居士文集卷第二十三

石湖居士文集卷第二十四

詩

初秋二首

急雨過窻紙新涼生簾藤蹒跚老鈴下來炷壁間燈
壯歲故多病老年知不堪何須看公案只此是真參

蝙蝠

伏翼昏飛急營營定苦飢聚蚊充口腹生汝亦奚為

蛩

壁下秋蟲語一蛩鳴獨雄自然遭跡捕窘束入雕籠

四花

素馨間末利木犀和玉簪醫來都屏去頭眩怕香侵
謝範老問病

三椽一席度秋冬造化兒嬉因此翁帖有王書難治
眩文如陳檄不驅風骨枯似疥膚如腊髮織成羶贖
作蓬點檢病身還一笑本來四大滿虛空

二偈呈似壽老

法法刹那無住云何見在去來若覓三心不見便從
不見打開

孟說所過者化莊云相代乎前何處安身立命饑食
渴飲困眠

諾惺庵枕上

噩夢驚回曉枕寒青燈猶照藥爐邊紙窗弄色如隴
月又了浮生一夜眠

癸卯除夜聊復爾齋偶題

五夜燈花重東風角韻來雪慳衣未續春早句多梅
寂歷羅門亞溫磨藥鼎煨老嫺新歲換病喜舊日星回
鬱壘先題板屠蘇後把盃書扉無健筆爆竹有寒灰
觴襟牙難膠椒盤眼倦開陳人仍憊卧身世兩悠哉

甲辰人日病中吟六言六首以自嘲

攢扇輒作山字啾耳惟聞水聲人應見憐久病我亦

自厭餘生

目慌慌。蟻旋磨。頭岑岑。鼃負山。筆床久已均。伏藥鼎。何時可閑。

政爾榮枯衛蒞剛。云久厄天窮。歸咎四衝臨歲乞憐。九曜過宮。

復吉既愆。七日春來。惟俟三陽曆日。今頒寅正占星。更候農祥。

有日猶嫌開牖無風。不敢下簾。報國丹心何似夢中。抵掌掀髯。

壯歲喜新節。物老來惜舊年。華病後都盧不問家人。

時換瓶花

正月九日霰雪後大雨二首

夜霰三更碎。瓦畫一具一陣翻。盆賴是梅花已過。不然皴玉誰溫。

黃昏簷溜垂瀑清。曉屐聲滿門湖光萬頃。何似小沼先吹穀紋。

正月十日夜大雷震二首

阿香真是健婦。夜半鼓行疾驅。直恐南山破碎絕。憐窻紙枝梧。

人言有物司鼓春。到揚桴發聲。但要蟄蟲啓戶。何須

□許震驚

吳燈兩品最高

鏤冰影裏百千光
剪綵毬中一萬窻
不是齊人誇管晏
吳中風物竟難雙

燈夕懷廣蜀舊事

離水橋西列炬香
少城樓下變燈忙
兒嬉萬里客程遠
老懶一食龍春夢長

上元紀吳下節物俳諧體三十二韻

斗野豐年婁吳臺樂事并酒壚先疊鼓
歲後即旗亭先擊鼓不已
以迎燈市蚤投瓊
購月即有燈市珍奇者數人釀買之相與呼盧彩勝者得燈
價喜

膏油賤祥占雨雪晴負簪仙子洞
坊巷燈以連枝竹縛成洞門多處數十重

箇箇化人城
蓮花燈最多
檣炬疑龍見
舟人接竹危檣之表置一燈望之如屋

橋星訝鵲成
橋燈
小家虎獨踞
犬燈
高閑鹿健撐
鹿燈
屏展

輝雲母
琉璃屏風
簾垂晃水精
琉璃簾
萬窻花眼密
萬眼燈以碎羅

紅白相間砌成工夫妙天下多至萬眼
千隙玉虹明
琉璃毬燈每一隙映成一花亦妙天下
蔭

丹房掛
燈
葡萄綠蔓紫
葡萄燈
方縵繡史冊
生絹綴之方燈圖畫

史冊故事村人喜看
圓魄綴門衡
燈
擲燭騰空穩
小毬燈特推
推

袞地輕
燈
映光魚隱見
琉璃壺狀貯水專以奇縱橫

馬騎
輕薄行歌過顛狂社舞呈
民間鼓樂謂之社火不可悉記大抵以滑稽取笑

村田羨笠野
村田樂
街市管絃清
街市樂
里巷分題句
每里門作

長燈題好官曹別扁名官府名額多以旱舡遙似泛陸行

句其上謂之划旱舡水儻近如生以燈照針精裝牢戶燈嘲嗤

繪樂柳山柳多畫一時堵觀瑶席隘唱道綺叢爭禁鑰

通三鼓歸鞭任五更桑蚕春蠶勸春蠶自臘月即食

花蝶夜蛾迎大白蛾花無貴賤悉鳧子描丹筆紅畫鴨鴨

遣鴉毛剪雪英與剪鴉毛為雪花寶糖珍巨按之寶糖鮐特

美為脆烏膩羨飽餉俗言能去烏膩粉團藥意子稠熬稔

膈膊聲炒糯穀以十俗名蓮算巫志怪香火婢輸誠

俗謂正月百草靈故帚筆針箕第卜拖裙驗弊帚繫裙以

箕詩落筆驚大仙俗名皆箕姑微如針屬尾同其尾相

屬為北賤及筆分莖筆莖分合為末俗難訶止佳辰

且放行此時紛僕馬有客靜柴荆幸甚歸長缺居然

照短檠生涯唯病骨節物尚鄉情拮據成俳體咨詢

逮里忙誰修吳地志聊以助譏評

雪寒探梅

酸風如絮削莫憑欄凍合橫枝雪未乾吳下得春元自

晚那堪添與十分寒

曉枕三首

煮湯聽成萬籟添被知是五更陸續滿城鍾動須吏

後巷雞鳴

卧聞赤脚鼾息樂哉栩栩遂遂病夫心口相語何日
佳眠似渠
舒慘常隨天氣關心窻暗窻明日晏扶頭未起喚人
先問陰晴

不寐

春宵似暖非暖曉夢欲成未成風竹時驚雀噪月窻
誰伴梅橫

戲書二首

長病人嫌理亦宜吾今有計可扶衰煩君昇着山深
處恐有黃龍浴水醫

群兒欺老少陵窮口燥唇乾髮謾衝顛沛湏臾猶執
禮古來唯有一高共

耳鳴

風號高木水翻洪歷歷音聞不是龍耳一任大千都震
吼便從卷葉證圓通

案上梅花二首

南坡玉雪萬花團舊約東風載酒看冷落銅瓶一枝
亞今年天女亦酸寒
地爐火軟日烘窻一夜花鬢半吐黃鼻觀圓通薰百
和博山三夕罷燒香

○ 古梅二首

孤標元不聞芳菲
雨瘦風皴老更奇
壓倒嫩條千萬
葉只消踈影兩三枝

誰似西湖處士才
詩中籬落久塵埃
陸郎舊有梅花
課未見今年句子來

至昌為具賞東軒
千葉梅然梅尚未開

玉葉重英意已芽
新移竹外小橫斜
東齋何事春工
晚鐵樹已花梅未花

喜周妹自四明到

團藥話裏老龐衰
一妹仍從海浦來
孤苦尚餘兄弟

樂如今雖病也眉開

占星者謂命宮月孛獨行無害
但去年復照作災今年正月一日已出而歲星作福

戲書二絕

昔躔初度本除災
何意重逢作病媒
久住靈旂今日東

過曆翁歡喜勸椒杯

暗耀加臨有救神
煌煌福德助天仁
只煩終惠蘇殘
喘官爵從渠奉董秦

題藥方

孤童亦復夢槐柯
無德無功用福多
天理乘除當老

病巢源王訣柰君何

園丁折花七品各賦一絕

單葉御衣黃

舟前鵝羽映酒塞上馳酥截肪春工若與多葉應入姚家鴈行

水精毬輕盈嫵媚不耐風日又名醉西施又名風嬌又

名玉勝瓊

縹眇醉魂夢物嬌饒輕素輕紅若非風細日薄直恐雲銷雪融

壽安紅深色粉紅多葉易種且耐久

豐肌弱骨自喜醉暈粧光揔宜獨立風前雨裏嫣然不要人醫

疊羅紅開遲旬日始放盡

袞衣積剪裁千疊深藏愛惜孤芳若要韶華展盡東風細細商量

崇寧紅

勻染十分艷絕當年欲占春風曉起粧光沁粉晚來醉面潮紅

鞞紅

猩唇鶴頂太赤榴萼梅腮弄黃帶眼一般官樣祇愁

瘦損東陽

紫中貴

沈沈色與露滴泥泥香隨日烘滿眼艷粧紅袖紫綃
終是仙風

聞春遠牡丹盛開

東軒聞道有花開癡坐三椽首謾回縱得好晴猶懶
看那堪風雨揭天來

蜀花以狀元紅為第一金陵東御園紫繡
毬為最

西樓第一紅多葉東苑無雙紫壓枝夢裏東風忙裏

過蒲團藥鼎鬢成絲

喜雨

昨遣長鬚借踏車小池須水引鳴蛙今朝一雨添新
漲便合翻泥種藕花

嘲風

紛紅駭綠驟飄零癡駃封姨沒性靈報道海棠方熟
睡也須留眼為渠青

○大風

春晴雖好恨多風到眼花枝轉眼空晴不與花為道
地爭如雲淡雨濛濛

○ 風止

收盡狂飈卷盡雲一竿晴日曉光新
柳魂花魄都無恙依舊商量作好春

苦雨五首

河流滿滿更滿蒼溜垂垂又垂暑
天寧有漏處后土豈無乾時

不辭蛾化麥穗叵忍秧浮浪花兒
孫泪汰護岸翁媪扶携上車

折笋肥梅釘坐涎蝸鬪蟻上梁雨
工莫買餘勇留待稻花半黃

潤礎纔晴又汗濕薪未爆先煙壯
夫徃徃言病病叟岑岑且眠已厭
衣裳蒸潤仍憐書畫爛斑奩香尚
餘幾所盡付爇鑪博山

謝龔養正送斲竹杖

一聲霜曉謾吹愁八尺風漪不耐
秋上座獨超三昧地諾惺庵裏證
般舟

釋氏謂常行
為般舟三昧

寄題祝郢州白雪樓

楚望風煙倚繡楹使君靜治有高
情祗應襦袴新翻曲壓倒當年寡
和聲

夏至二首

李核垂腰祝饅粽絲繫臂扶羸節節物競隨鄉俗老翁
閑伴兒嬉

石鼎聲中朝暮紙窓影下寒溫踰年不與廟祭敢言
孝子慈孫

重午

熨斗薰籠分夏衣翁身獨比去年衰已孤菖渌十分
勸却要艾黃千壯醫蜜粽冰糰為誰好丹符綵索聊
自欺小兒造物亦難料藥裏有時生網絲

積雨作寒五首

壓屋雨雲晝暗環城霖潦夏寒西池半沒荷柄南蕩
平沈芡盤

已報舟浮登岸更憐橋塌平池養成蛙吹無謂掃盡
蚊雷却奇

熨貼重尋毳衲補苴盡護紙窓餘生雪鬢禪榻昨夢
雲帆漲江

婢喜蚊僵霧帳兒嗔蝸篆風櫺兀坐鼻端正白忘懷
眼底常青

山寒禪老不下泥滑琴僧罕來且喚園丁閑話喜聞

湖岸未頽

禪老範默堂琴
僧淨月師也

喜晴二首

驅帚水爭溝口卷簾日欵屋山飢燕癡兒叫怒拙鳩
去婦復還

窓間梅熟落蒂墻下笋成出林連雨不知春去一晴
方覺夏深

子文太丞重午日走貺煮酒清甚殆與遠
水一色何其妙哉數語奉謝

臘脚清若空吾聞其語矣今晨品義尊公酒正如此
太常家有此段竒銷得不齋醉如泥但恨今無過雲
曲送我菖蒲一杯綠子文舊有歌者名過雲

子文見和云亦有小鬟能度曲復用韻戲
贈

三年屏杯酌甚矣吾衰矣眼中有溜澗猶解商略此
花酒俱來事更竒不妨禪心絮沾泥翠眉何時真度
曲細意煩君畫蛾綠

石湖居士文集卷第二十五

詩

題請息齋六言十首

洞門晝掛鐵鎖閣道秋生綠苔著下略同龜伏瓜中
且免蠅來

多謝紛紛雲雨相忘渺渺江湖坐隅但忌占鵬屋上
何煩譽烏

灑灑年年如馬太行日日摧車笑中恐有義甫泣裏
難防叔魚

見影蠶猶鈿鈿聞聲厖尚狺狺問誰毛生名紙知我

角出車輪

不惜人扶難拜非關我醉欲眠勞君敬枯木耳恐汝
見濕灰焉

稅駕今吾將老結廬此地不喧恐妨蝴蝶同夢突倩
顛當守門

口邊一任醜去鼻孔慵將涕收閉門冷落車轍空室
團藥話頭

冷暖舊雨今雨是非一波萬波壁下禪枯達磨室中
病着維摩

親戚自有情話來往都無雜言酒熟徑復相報文成

聊與細論

園丁以時白事山客終日相陪竹比平安報到花依
次第折來

送劉唐卿戶曹擢第西歸六首

摩挲漢柱愴分襟邂逅吳舡喜盍簪別久十年知幾
夢情親萬里只初心

學道何關紫與青發身聊假佛名經歸來解盡程書
縛千古文章似建瓴

槐黃燈火困豪英此去書寫忽得此生學力根深方蒂
固功名水到自渠成

中年親友惜分離况我身兼老病衰餘景庶幾猶及
見登瀛召客過門時

我識岷峨最上頭當年脚力與雲浮兩山父老如相
問一席三椽正卧遊

四海西州舊故多煩君問訊各如何心期本自無南
北萬里天波一月波

未句戲用蜀語以見久要不忘之意

富順楊商卿使君鄉與余相別於瀘之合
江渺然再會之期後九年迺訪余吳門則
喜可知也今復分袂更增惘然病中強書
數語送之

合江縣下初語離共說再會知何時壽櫟堂前烘一
笑人生聚散真難料青燈話舊語未終舡頭鼙鼓帆
爭風草草相逢復相送直恐送迎皆夢中昨聞親上
安邊奏玉陛從容移禁漏天香懷袖左魚符歸作雙
親千歲壽我今老病塘蒲衰君歸報政還復來萬里
儻容明月共更期後夢如今夢

久病或勸勉強遊適吟四絕荅之

風月箇中老子江湖之上散人化鑪苦靳清福環堵
閑拋好春

鶴怨久回俗駕鷗盟誰主載書一丘一壑謝汝三歲

三秋望余

捫虱即是忙事驅蠅豈非福心香煖香寒功課窻明
窻暗光陰

羸如蓍婦多忌倦似田翁作勞玩具僧梳削屨懽悰
丁尾龜毛

初秋閑記園池草木五首

莪葵爛紫終陋蓆葡萄黃亦香墜俗賸延竹色療愁
催折萱房

牛牽碧蔓自繞雞聳身朱冠欲爭菱葩可範伯雅蓼節
偏宜麴生菱葩為酒杯樣取
佳蓼入麴為勝

呈地蓮花嬌小水盆梔子幽芳薇帳半年春艷桂叢

四季秋香紫薇一名半年紅品
桂一種四季有花

醉憐金盞齊側卧看玉簪對橫腥水留灌末利結香

旋薰素馨未利用治魚腥
水澆方多花

玉齒化生稚子碧枝視現聲聞馬齒任藏永冷鴻頭

自勝硫温謂孩兒蓮羅漢木馬齒莧中有水
銀鴻頭芡實也芡性暖號水硫黃

巖桂三首

風簾踈爽月裴回帳望家人把酒杯病着幽窻知幾
日瓶花兩見木犀開

越城芳徑手親栽紅淺黃深次第開不用小山招隱

賦身如強健日干迴

一株蕭索倚宣華東苑香風屬內家丹碧屠蘇銀燭

照平生奇絕象山花

少城園中惟有一株建康東御園有亦不多四明丹桂特奇州宅所種尤蔚茂

嘗與魏丞相夜飲其下

中秋無月三首

兒女無惊坐客稀今年孤負隔年期誰從天上牢遮

月不管人間大欠詩

撲地癡雲欲萬重家家簾幕護房櫳世間第一無情

物誰似中秋雨與風

一生露下風前客兩歲愁邊病裏身姑置陰晴圓缺

事藥寮燈火正相親

藻姪比課五言詩已有意趣老懷甚喜因

吟病中十二首示之可率昆季賡和勝終

日飽閑也

舊歲連新歲涼床爰暖床山川屏裏畫時刻篆中香

畏壘安吾土支離飽太倉若教身更健鶴背入維揚

羽鹿紛紛夢亡羊散亂心眇昏遮眼讀愁苦撚髭吟

幸覺行迷遠其如卧病深通身都放下何用覓砭鍼

日暖衣猶襲宵長被有稜朝脯三楮飯昏曉一缸燈

伴坐跼如几扶行瘦比藤生綠堪入畫寂寞憇松僧

繩倚扶拐骨蒲團閣悴膚事疑償業債形類窘囚拘
空劫真常體浮生幻化軀箇中元不二無語對文殊
軟熟羞盤饌芳辛實枕幃候晴先曬席占濕預烘衣
易粟雞皮皺難培鶴骨肥頭顱雖若此虛白自生輝
數息憎晨清伸眉愜晚晴隙塵浮日影窻穴嘯風聲
捫虱天機動驅蚊我相生偶然成一笑栩栩斲身輕
貴仕龜鑽筴閉居馬脫鞵冠塵昏舊制衣帶眼剩新圍
堆案書郵少登門刺字稀掩關灰木坐休示季咸機
目青浮珠珮聲塵籟玉簫秋懷潘鬢禿午夢楚魂銷
注水瓶花醒吹薪鼎藥潮南柯何處是斜日上廊腰

靜裏秋先到閑中晝自長門闌疑泄柳戶祝湯庚桑
腹已枵經笥身猶試藥方強名今日愈勃窣負東牆
汗漬帛枝赤苔封屐齒青有醫延上坐無客抗分庭
霽月鑽窻看鳴禽側枕聽莫嗔猿鶴怨岫幌兩年扁
視絮勞群從祇承愧闔家乳泉供水滌金液養丹芽
加釀厚如酪旋春春香勝花百端扶老憊無物報投瓜
學業荒呻畢懽悰隔笑鹽入秋先複幕過夏亦踈簾
門客嗔愁思家人獻吉占尤憐小兒女時報鵲鳴簷

贈臨江簡壽五二首簡携王仲顯使君書
來謁并示孔毅甫夢蟾圖今廟堂五府皆

皆有題字

蕭灘遠客扣田廬
貽我讀書樓上書
千里故情元共
月錯吟多病故人
踈

卷中圖畫袖中珍
上有三階五朶雲
白日青天光範
路未饒蟾窟夢紛
紜

壽櫟前假山成移丹桂於馬城自嘲

堂前趣就小嶙峋
未許蹒跚杖履親
更遣移花三百
里世間真有大癡人

灼艾

血忌詳消日尻神謹避方
艾求真伏道穴按古明堂
謝去群巫祝勝如幾藥湯
起來成獨笑一病攪千忙

東宮壽詩

甲觀秋彌月前星蚤麗天
君親重慶日家國平興年
英武神機遠溫文德字全
摘章森典則會道極高堅
儉寶躬安履仁端性自然
淵冲澄有量海濶浹無邊
五學臨函文三朝拱邃延
頌聲敷政久喜色問安還
銅律諧初度桑弧絕舊傳
菊催重九近梅占小春先
戲綵蘭猗殿宣孟玳瑁筵
青宮千億壽長對兩宮前

十月朝開爐偶書余病歸二年未能拜掃
松楸曩嘗以此日侍先兄遊洞庭併寫悲

感之懷

圃芋今年紫籬楓昨夜丹開爐修故事聽雨說新寒
橘社重遊阻楸行再拜難此時西望眼衰淚不勝彈

有懷龍葵養正

好在楚龔子秋來情話稀昨承書素說行侍板輿歸
煙水潮平棹風霜歲晚衣幾時真訪戴莫待雪花霏

白鬚行

四十踰四髭始黃手持漢節臨大荒興疾歸來皮骨
在兩鬢尚作青絲光俛仰行年四十九萬里南馳復
西走班班領下點吳霜猶可艾夷誰賓友屈指如今

又十年兩年憶卧秋風前人生血氣能幾許不待覽
鏡知皤然長安後輦輕前輦百方染藥千金賣煩擱
包裹夜不眠無柰霞頭出光怪病翁高卧門長局垂
雪毵毵骨更清兒童不作居士喚喚作堂中老壽星

但能之提刑相別十年自曲江遠寄二詩
叙舊良厚次韻為謝亦以首章奉懷略道
湘南分携故事末篇自述年來衰疾不復
故吾也

憶昔駉鸞識俊英朱轡繡斧盡能名書隨庾嶺一枝
寄句挾韶江九奏成吳粵交馳清夜夢參辰不隔故

人情何時重醉金樽曲一洗陽關別恨平
灑落枵虛似瓠壺新添雪鬢與霜鬢也知病叟形容
變非是仙儒骨相癯歲晚山林如自戲年豐田野亦
多娛無端拙恙妨清樂未許扁舟到五湖

復以蟾研歸龍養正

夢裏何人歌式微覺來石友在書幃鄭環信美非吾
寶趙壁猶全任汝歸渴水雙蟾窺海闊出雲孤月照
星稀好將自草三千牘莫與蚍蜉作鈎磯

大雪書懷

天將竒賞發清歡疇昔登臨插羽翰梅下尋詩騎馬
滑松梢索酒倚樓寒閉門老子愁無賴返棹歸來興
已闌聊掬玉塵添石鼎自煎魚眼破龍團

雪中苦寒戲嘲二絕

冥凌分職大閭關辛苦行冬強作難費盡無邊風與
雪易能供得一番寒

茸氈帳下玉杯寬香裏吹笙醉裏看風雪過門無入
處却投窮巷覓藜安

雪復大作六言四首

竒寒擁被曉枕噩夢披蓑晚江遙想漫天而地近聽
穿幔鳴窻

釀成送臘三白功在迎年九秋樵指擔肩相賀飯囊
酒甕何憂

初報折篁搶地旋聞壓柳堆橋寧教風過掀舞可惜
雨來半消

伶俜凍雀蹲晚噤溼踈梅鎖春有客典衣沽酒何人
增價賣薪

立春

綵勝金幡夢裏茶槽藥杵聲中索莫兩年春事小窻
卧聽東風

題徐熙風牡丹二首

紫花

藥珠仙馭曉駉鸞道服朝元露未乾天半剛風如激
箭綠綃飄蕩紫綃寒

白花

寒入仙裙粟玉肌舞餘全不耐風吹從教旅拒春無
力細看腰支嫋嫋時

題黃居寀雀竹圖二首 居寀筌之子

群雀歲寒保聚兩鶉日晏忘歸草間豈無餘粒刮地
風號雪飛

蔓花露下疑碧叢竹秋來老蒼噪雀群爭何事公禽

自轉清簧

題張晞顏兩花圖二首

晞顏廣漢人
趙昌之甥

繁杏

紅粉團枝一萬重
當年獨自費東風
若為報答春無賴
付與笙歌鼎沸中

玉梨

雪薄冰輕不耐春
雨中愁緒月中真
莫教夢作雲飛去
留伴昭陽第一人

題范道士二牛圖

道士處州人號范牛
中年狂顛人傳其得道此圖自穉中

與道士范子珉蓋未
顛時所作尤為精妙

西疇綠塲靜無塵
原頭遠牧秋草春
一牛疾行離其群
一牛返顧如怒嗔
目光炯炯矜而馴
點綴毫末俱逼真
不顛不狂筆有神
妙哉吾宗散仙人

石湖居士文集卷第二十五

石湖居士文集卷第二十六

詩

小峩眉

并叙

近得靈壁古石絕似大峩正峯名之曰小峩眉東坡
嘗以名廬山恐不若此石之逼真也作小峩眉歌以
夸之

三峩參橫大峩高奔崖側勢倚半霄龍跽虎卧起且
伏旁睨沫水沱江朝禹從岷嶓過其下真山著籍稱
雄豪告成歸來兩階舞泗濱錫貢備九韶覽觀此石
三歎息髡髯蜀鎮俱名峩惜哉擊拊墮筮莫虞輦送淮

海還山椒降商訖周謹呵護磬氏無敢加鑄彫劉項
蝸爭閔靈壁血漂川谷流腥臊水官恐此被染浣檀
包席裹吳中逃市門大隱閱千祀苔衣塵網薶孤標
尤物顯晦定有數昨者惠顧不待招我昔西遊踏禹
跡暑宿光相披重貂十年境落卧遊夢摩挲壁畫雙
鬢凋天憐愛山欵成癖特設竒供慰寂寥恍然坐我
寶巖上疑有太古雪未消嵌根巖積巧入妙峯頂箕
踞貴不驕爐煙雲浮布銀界隙日虹貫疑金橋是時
歲杪卧衰疾健起放杖驚見曹龍鐘遶圍喜折笈龜
手拂拭寒侵袍太湖未暇商甲乙羅浮天竺均鴻毛
小峩之名神所界永與野老歸漁樵作詩賀我得石
友且以併賀茲丘遭

煙江疊嶂

煙江疊嶂太湖石也鱗次重複巧出天然王晉卿嘗
畫煙江疊嶂圖東坡作詩今借以為名此石里人方
氏所藏故物非近年以人功雕斲者比尤可貴
太湖嵌根藏洞宮槎牙石生齋淪中濤波投隙漱且
嚙歲久缺罅深重重水空發聲夜鏗鎔中有晴江煙
嶂疊誰歟斷取來何時山客自言藏奕葉江上愁心
惟畫圖蘇仙作詩畫不如當年此石若並世雪浪仇

池
仇何足書我無俊語對巨麗欲定等差誰與議直須
具眼老香山來為平章作新記

天柱峯

天柱峯英石也一峰峭^豎特起有昂霄之意天柱本
在衡山自黃帝時即以瀟山輔南岳漢氏因之遂寓
其祭於瀟天柱山衡瀟蓋皆有天柱而瀟名特彰九
華鴈蕩若定山亦皆以此名峯不足算也

衡山紫蓋連^延處一峰巉絕擎玉宇漢家憚遠不能
到寓祭瀟山作天柱我今卧遊長掩關却寓此石充
瀟山形摹三尺氣萬仞世間培塿何由攀南州山骨
孕清淑乳孽砂床未超俗神奇都賦小崢嶸雷雨飛
來伴幽獨哦詩月明清夜闌坐看高影橫屋山摩霄
拂雲政如此吾言實夸誰敢刪

甲辰除夜吟

一年三百六十日日日三椽卧衰疾傍人挪揄還歎
咨問我如何度四時我言平生老行李蓐食趁程中
夜起當時想像閉門閑弱水迢迢三萬里如今因病
得踈慵脚底關山如夢中重簾複幕白晝靜戶外車
馬從西東若問四時何以度念定更無新與故瓶花
開落紀春冬窻紙昏明認朝暮行年六十是明朝不

暇自憐聊自嘲婪尾三杯餽一楪從今身健齒牙牢

次韻龔養正送水仙花

色界香塵付以還正觀不起况邪觀花前猶有詩情
在還作凌波步月看

元日

屋角崢嶸斗柄移案頭蕭索燭花垂與時消息評新
藥若節春秋憶舊詩飢飯困眠全體懶風冷露宿半
生癡尊前見在休嫌老最後屠酥把一卮

正月六日風雪大作

滕六無端巽二癡翻天作惡破春遲邀梅勒柳何功

業誰與停杯一問之

奇寒何事入芳辰不管燈枝欲試新即日反風吹盡
雪東君已費一分春

元夕四首

粉痕紅點萬花攢玉氣珠光寶月團簾箔通明香似

霧東君無處着春寒

謂吳中剪羅琉璃二燈

不夜城中陸地蓮小梅初破月初圓新年第一佳時
節誰肯如翁閉戶眠

藥爐湯鼎煮孤燈禪板蒲團老病僧兒女強修元夕
供玉蛾先避雪鬪鬚

落梅穠李趁時新
枯木崖邊一任春
尚愛鄉音醒病
耳隔墻時有賣餠人
謂唱賣烏臍糖者

去年多雪苦寒
梅花遂晚
元夕猶未盛開
隔年寒力凍芳塵
勒住東風寂寞濱
只管苦吟三尺
雪那知遲把一枝春
燈烘畫閣香猶冷
湯暖銅瓶玉
尚斂花定有情堪索笑
自憐無術喚真真

寄題筠州錢有文明府新昌小道院

忠厚平生心學敏
明隨處民功江左幕
中荒政江西院裏仁風
勿云私淑小邑可以匹
休大邦健筆誰能後
賦向來

江夏無雙

題徐熙杏花

老枝嘗歲寒
芳藹春淡汀霧銷
輕欲無嬌紅恐飛去

題趙昌木瓜花

秋風魏瓠實
春雨燕脂花
綵筆不可寫
滴露勻朝霞

題易元吉獐猿兩圖二首

擇食麕相喚
無人意不驚
猿啼風動葉
機熟兩忘情
烏逐山公噪
驚麕仰望疑
春林無一事
猶狘自生悲

題張希顏紙本花四首

牡丹

洛花肉紅姿蜀筆丹砂染生綃多俗格紙本有真艷

常春

染根得靈藥無時不春風倚欄與掛壁相伴歲寒中

紅梅

酒力欺朝寒潮紅上粧面桃李漫同時輸了春風半

雞冠

號名極形似摹寫與真逼聊以畫滑稽慰我秋園寂

喜沈叔晦至

淡若論交味嚶其喚友聲江湖幾魚沫風雨一雞鳴
舊事休重說新詩莫細評煩將憶勤夢歸對海山橫

驚蟄家人子輩為易疎簾

二分春色到窮閭兒女祈翁出滯淹幽蟄夜驚雷奮
地小窓朝爽日節簾惠風全解墨池凍清畫騰縉雲
笈籤親友莫嗔情語少向來屏息似龜蟾

韓尚書新造
雲笈七籤

信筆

天地同浮水上萍羲娥迭耀案頭螢山中名器兩芒
屨花下友朋雙玉瓶童子昔曾誇了了主翁今但諾
醒醒歸田贏得都無事輸與諸公汗簡青

請息齋書事三首

覆雨翻雲轉手成紛紛輕薄可憐生天無寒暑無時

令人不炎涼不世情栩栩等來俱蝶夢啾啾能有幾
雞鳴冰山側畔紅塵漲不隔瑤臺月露清

刻木牽絲罷戲場祭終雨後兩相忘門雖有雀尚廷
尉食已無魚休孟嘗虱裏趨時真是賊虎中宣力任
爲俵籬東舍北誰情話雞語鷗盟意却長

聚蚋醯邊鬧似雷乞兒爭肯向寒灰長平失勢見何
晚粟里息交歸去來休問江湖魚有沫但蘄雲水鶴
無媒巖扉岫幌牢扃鑰不是漁樵不與開

送文季高倅興元

素衣京洛悵成緇青鬢江吳喜未絲燭暗不眠談舊

事酒闌作惡問行期琴書情話須親戚風雨殘春更
別離屈指歸來重一笑掃除門巷着旌麾

書懷二絕再送文季高兼呈新帥閻才元

侍郎

劔關雲棧守非難函谷泥封久未刊今日漢中誰國
士莫教春草上齋壇

西出陽關有舊知薰風淥水汎蓮時煩君傳語詩書
帥更寄臺城別後詞

寄題石湖海棠二首

手開芳徑越城頭紅錦屠蘇結綺樓不把萬枝良蜀

照淡雲微月替人愁

老懶居家似出家園林春色雨沾沙海棠尚自無心
看天女何須更散花

家人子輩往石湖檢校暮歸

南浦回春棹東城掩暮扉兒脩雞柵了女挈菜籃歸
風力雖欺酒花香尚淡衣衰翁牢守舍腸斷釣魚磯

枕上聞婆餅焦

曉寒燕雀噤春陰珍重清簧度好音窻色喜微欹枕
聽夢成舟樣竹溪深

石湖芍藥盛開向北使歸過維揚時買蝦

裁此因記舊事二首

竹西歌吹荻花秋遺老垂淚送遠遊羌笛夜闌吹出

塞當年如此夢揚州

萬里歸程許過家移將二十四橋花石湖從此添春
色莫把蒲萄首藉誇

次韻龔養正中秋無月三首

詞客幕天清露下老公卧病破窻中高吟大醉輸公
等不見常娥與我同

去年怪雨無端甚今歲癡雲亦復然減却新詩酸却
酒乘除添得一更眠

丙夜清光些子見兒童驚喜強雄夸闌珊高興應無
幾恰似春殘看落花

殊不惡齋秋晚閑吟五絕

好風入簾圖畫響斜照穿隙網絲明簷間雙雀有時
闌壁下一蛩終日鳴

旁若無人鼠飲硯麾之不去蠅登盤天涼睡起枕痕
暖日晚慵來香字寒

就食遷居蟻墳壤隨風作舍蛛裊絲百年何處用三
窟萬事信緣安一枝

市聲洶洶鼓催陣日影駸駸潮漲痕消磨意氣默數

息把玩光陰牢閉門

中秋昨已等閑過重九今還如夢來霜鬢數莖羞墮
幘黃花三度笑空杯

老陳道人自云夢被召作地上主者又常
受一貴家供祝之曰它日必來吾家作兒
戲贈小頌

野人何苦赴官差符使追呼撓道懷幸有子門香積
供不如隨喜去羅齋

題張戡蕃馬射獵圖

陰山磧中射生虜馬逐箭飛如脫兔割鮮大嚼飽何

求荐食中原天震怒太一靈旗方北指掣轡逃歸莫
南顧猖狂若到殺胡林郎主猶羝何況汝

題趙昌四季花園

海棠梨花

醉紅睡未熟淚玉春帶雨阿環不可招空記凭肩語

葵花萱草

衛足保明哲忘憂助歡娛欣欣夏日永媚我幽人廬

拒霜旱蓮

霜天木芙蓉陸地旱蓮草水花雲錦盡不見秋風好

梅花山茶

月淡玉逾瘦雪深紅欲燃同時不同調聊用慰周年

乙巳十月朔開爐三首

石湖今日開爐紙窗銀白新糊童子燒紅榾柮老翁
睡暖甃餠

石湖今日開爐兩壁仍安畫圖萬事篆煙曲几百年
毳衲團蒲

石湖今日開爐俗家恰似精廬杖涕雖無情緒吟詩
却有工夫

有歎二首

春秋蘭菊殊調南北馬牛異方心醉井蛙海若眼空

鵬海鳩枋

貧富交情乃見炎涼歲序方成越秦本異肥瘠魯衛
何曾弟兄

留簡伯俊

我昔賦遠遊萬里無親朋惟君同懷抱相從共茵憑
踰嶺穿瘴茅捫參倚枯藤隨行一瓶鉢澹如雲水僧
火馳炎熱場見此玉壺冰東歸常愧君無力相引繩
長材屈小邑果以循吏稱豈不有薦墨翩然支郡丞
五溪在何許水駛山峻增漫仕不擇地搏扶笑鯤鵬
獨有故意長問疾訪姜肱疊疊談昨夢一一記吾曾

中年畏離別况我雪鬢鬢此意君自解少留對青燈
枕上有感

窻明似月曉光新被暖如薰睡息勻衝雨販夫墻外
過故應嗤我是何人

夜坐有感

靜夜家家閉戶眠滿城風雨驟寒天號呼賣卜誰家
子想欠明朝糴米錢

十月二十六日三偈

聲聞與色塵普以妙香薰普汝來迷我今吾却戲君
有箇安心法無時不可行只將今日事隨分了今生

窓外塵塵事窓中夢夢身既知身是夢一任事如塵

石湖居士文集卷第二十六

石湖居士文集卷第二十七

詩

吳飲一首送立宗卿自平江移會稽

吳兒與君緣不薄再騎竹馬迎南郭吳兒與君緣復
淺坐席纔温旗脚轉東人賦重越吟悲趣了茲段隨
朝雞曾竒百鍊當活國君豈獨私吳與越鶴鳴樟橋
猿夜啼匈奴未滅家何為功成它年歸結屋好在山

花休斬竹

宗卿十三年前嘗守吳今復來幾年而去越民困於和買蓋有意為蠲減之樟橋宗卿卜築處有山

牡丹二本歲各設百花手植篁竹二十年今一尺圍作舍時悉當伐去皆實錄席上語也

贈壽老

農圃規撫昔共論雲奎卜築又逢君眉庵壽老長隨
喜好箇箇拋梁伏願文十八年前始作農圃堂壽老自眉庵適來相與度地今雲奎始基又值其入城
留觀上梁似非偶然

再贈壽老

澹齋寂寞澹庵空玉柱金庭一夢中我病君衰猶見
在莫嫌俱作白頭翁頃與澹齋兄遊洞庭林屋并澹庵現老眉庵壽老偕今十年矣壽老
見過話舊事二澹已爲古人

雪中聞墻外粥鬻魚菜者求售之聲甚苦

有感三絕

飯糲驅出敢偷閑雪脍冰鬚慣忍寒豈是不能扃戶

坐忍寒猶可忍飢難

愛渴焦山業海深貪渠刀蜜坐成禽一身冒雪渾家

暖汝不能詩替汝吟

啼號升斗抵千金凍雀飢鴉共一音勞汝以生令至

此悠悠大塊亦何心

詠河市歌者

豈是從容唱渭城箇中當有不平鳴可憐日晏忍飢
面強作春深求友聲

偶箴

情知萬法本來空猶復將心奉八風逆順境也欣戚

變咄哉誰是生人翁

丙午新正書懷十首

不用挑符貼畫雞身心安處是天倪行年六十舊曆
日汗脚尺三新杖藜祝我賸周花甲子謝人深勸玉
東西春風若借筋骸便先渡南村學灌畦新圃在河
南名范村
瘦骨難勝遇節衣日高催起趁晨炊病憐柳栗隨身
慣老覺屠酥到手遲一飽但靳庚癸諾百年甘守甲
辰雌莫言此外都無事柳眼梅梢正索詩

煮茗燒香了歲時靜中光景笑中嬉身閑一日似兩
日春淺南枝如北枝朝鏡略無功業到午窓惟有睡

魔知年來併束床頭易一任平章濟叔癡

窮巷閉門本閭然強將爆竹聒堦前人情舊雨非今

雨老境增年是減年口不兩匙体足穀生能幾殺莫

言錢掃除一室空諸有龐老家人搥解禪口吳諺云一
不能着

兩匙

厲風翻海雪漫天百計逃寒息萬緣穩作被爐如卧

炕厚裁絛旋聲入勝披氈尊前見在曹騰醉飯後無何

爛熳眠斟酌出門高興盡從教閑却剡溪船被爐縣
旋皆新

得法老人御冬之
具二物尤為要切

俗情如絮已泥沾因病偷閑意屬厭鵬鷄相安亦可

突熊魚自古不容兼。灰藏楮拙多時暖。雪壓蔓菁滿
意甜温飽。閉門吾事辦。異時書判指如籤。

炭熟香濃石鼎煨。人言小閣是春臺。蕉心翠展一冬
在。梅畹粉融連夜開。蕭蕭九冰妨發育。温温三火護

煨台養生此外無遺說。梨棗元須趁暖栽。水芭蕉長三寸在暖

閣中經冬不瘁瓶梅亦烘然先拆

經過掃軌但幽栖。巢穩林深寄一枝。栗里歸來窓下
卧。香山老去病中詩。東風馬耳塵勞後。半夜雞聲睡

熟時。俛仰平生盡陳迹。恰如膈膊幾枰棋。

窻明窻暗篆煙緋。珍重晨光與夕暉。東院齋鐘披披

坐南城嚴鼓岸巾歸。幾人霜滑騎朝馬。何處燈殘織

曉機。懶裏若承三昧力。始知忙裏事俱非。北篇叙早眠晏起之事

殊方節物記吾曾。海北天西一瘦藤。烏攬雞檳嘗老

酒。酥花芋葉試新燈。瘴雲度嶺濃如墨。邊雪窺窓冷

欲冰。閑展兩鄉圖。盡看卧遊何必減深登。此篇記桂林成都元日舊

事攢攬皆椒盤中物老酒十數年不壞者滴酥為花熬芋為柳葉三夕張燈如上元上下句分記廣蜀

雲露 并叙

予素不能飲病又止酒。比得佳釀法。客以雲露名之。
取吉雲五露飲之。則老者少病者除之意也。乃復濡
脣且為賦詩。

飲少嘗遭大戶嗤病中全是獨醒時三年魯望自憐
賦萬花祀淵明真止詩破戒肥聰傳雲露法賞心仍花雪
梅枝一杯未問長生事先骨蛛塵藥裏終陸魯望好飲
作自怜賦寶至
潔壹置觴而已
病甫里三年

丙午新年六十一歲俗謂之元命作詩自
賦

歲復當生次星臨本命辰四人同丙午初度再庚寅
長狄名猶記沙隨會若新童心仍竹馬暮境忽蒲輪
鏡裏全成老尊前略似春三年歸汶上千日卧漳濱
剛長交新泰陰消脫舊屯網蛛紫藥裏實大吠醫人

窻下烏皮几田間紫領巾鯢淵方止水鯢海任揚塵
波匿觀河見維摩示病身顰端還一笑默識幻中真
文潞公詩云四人三百七十歲况是同生丙午年僕與今丞相王
公樞使周公叅政錢公皆丙午又頃皆同朝故用此事稍的也

丙午人日立春屈指癸卯孟夏晦得疾恰
千日矣戲書

百年能有幾春光只合都將付醉鄉衰病豁除千日
外尚餘三萬五千場

春困二絕

吳俗立春日兒童以春困
相呼以掉頭不應者為點

絲花生菜又新年節物人情已可憐不待春來呼我
困四時何日不堪眠

諾惺庵裏呼春困特地回頭著耳聽若解昏昏安穩
睡主翁方始是惺惺

立春大雪招親友共春盤坐上作

積雪銅萬瓦雲容如死灰豈惟梅柳寒小槽冰去聲春
醅東風乃多事仍將六花來兒女曉翻餅呵手把一
杯菘甲前剪翠羽韭黃絕金釵齒牙辛牢索對案心眼
開華年惜節物况此霜鬢推如何千日病三見寅杓
回旁人不堪憂我心猶始孩衰翁豈知道癡絕忘形
骸化見任惡劇歡伯有奇懷餘寒會退聽一笑當安
排

嚴子文以春雪數作用為瑞不宜多為韻
賦詩見寄次韻

同雲癡不掃梅柳春到遲笙歌暖寒會當任主人為
圍尺庸何傷衰文乃非瑞郢中姑度曲山左已驅癘
世無辟寒香誰能不龜手隣舍索米歸衾裯無恙否
貧人寒切骨無地兼無錐安知雙絲勝但寫入春宜
販夫博口食奈此不售何無術慰啼號汝今一身多

詠吳中二燈

龍綜繅冰繭魚文鏤玉英雨絲風外綉雲網日邊明
疊暈重重見分光面面呈不深閑裏趣爭識箇中情

右琉璃毬

弱骨千絲結輕毬萬錦裝綵雲籠月魄寶氣繞星芒
檀點紅嬌小梅粧粉細香等閑三夕看消費一年忙

右萬眼羅

元夕後連陰

問訊東風幾日來冷煙寒霧鎖池臺掃空積雪翻成
雨收盡殘燈未見梅夜飲厭厭非老伴春陰漠漠是
愁媒誰能膏鼓催花信快打梁州百面雷

次韻嚴子文見寄

雨雲濃壓屋山頭詩句端來寫客憂雷電已將金薤

取瓊瑤難報木瓜投無心我正銘三住有意君堪話
四休何日尋春同步屨先教啼鳥說來由

再次韻述懷約子文見過

灰木心形雷滿頭鶴鳧長短不悲憂甕畦純白無機
械蒲局梟盧任博投若愛陶陶并兀兀先須莫莫與
休休箇中情話誰能共雞黍明當挽仲由

寄題耶縣遠仙觀四楠

遠仙手植常有丹光現其杪

沉犀浦上舊仙蹤老木長春翠掃空敢請丹光來萬
里為扶雲躡駕飛鴻

春來風雨無一日好晴因賦瓶花二絕

滿插瓶花罷出遊莫將攀折為花愁不知燭照香薰
看何似風吹雨打休
酒冷花寒無好懷柴荆終日為誰開三分春色三分
雨正似東風本不來

寄題永新張教授無盡藏

古來誰道四并難對境心空著處安要識見聞無盡
藏先除夢幻有為觀削平丘垤孤峯峻撤去藩籬萬
象寬快誦老坡秋望賦大千風月一毫端

寄題莫氏椿桂堂

莫氏五子皆登
科居崇德縣

君不見衣冠盛事今猶昔前說燕山後崇德聯翩五

組帶天香世上簪金賤如礫它年詩禮到雲來日日
高堂稱壽杯桂長孫枝椿不老却比賣家應更好

春晚即事留游子明王仲顯

繡地紅千點平橋綠一篙棟花來石首穀雨熟櫻桃
笑我生塵醜慙君有意袍故人能少駐門徑久蓬蒿

留游子明

得得蛩音喜匆匆笑口開牢愁攻易破歸夢挽難迴
我已踈茶碗君今減酒杯不知乘興棹更得幾迴來

初夏三絕呈游子明王仲顯

東君不解惜芳菲料峭寒中一夢非剪盡牡丹梅子

綻何須風雨送春歸

一簾芳樹綠葱蔥蝴蝶飛來覓綺叢雪白荼蘼紅寶
相尚携春色見薰風

送春迎夏未聞雷日日斜風細雨來不是故人能裹
飯柴門雖設為誰開

送王仲顯赴瓊筦

三徑蓬蒿春雨肥微君誰與開柴扉電光射牛書過
目虹氣干斗酒淋衣十年五別歲月老一方萬里音
塵稀誰云滄海斷地脉莫信天南無鴈飛

梅雨五絕

梅雨暫收斜照明去年無此一日晴忽思城東黃篾
舫卧聽打鼓踏車聲

乙酉甲申雷雨驚乘除却賀芒種晴插秧先插早秈
稻少忍數旬蒸米成

風聲不多雨聲多洶洶曉衾聞浪波恰似秋眠隱靜
寺玉霄泉從床下過

千山雲深甲子雨十日地濕東南風靜裏壺天人不
到火輪飛出默存中

雨霽雲開池面光三年魚苗如許長小荷拳拳可包
鮮晚日照盤風露香

道家東向坐想
日出以煉氣

繁昌隱靜寺方丈山後玉霄
泉自板閣下過最為佳致

吳農忌五朝甲辰乙酉雨則大水
諺云甲辰猶自可乙酉怕殺我

芒種後積雨驟冷三絕

一菴濕蟄似龜藏
深夏暄寒未可常
昨日蒙絺今挾纊
莫嗔門外有炎涼

梅黃時節怯衣單
五月江吳麥秀寒
香篆吐雲生暖熱
從教窗外雨漫漫

梅霖傾寫九河翻
百瀆交流海面寬
良苦吳儂田下濕
年年披絮插秧寒

崑山農人梅雨時着纈絮以耘秧歲以為常

東宮壽詩

再造炎圖撫太寧
龍樓毓德會千齡
三宮疊矩深邦本
兩耀重光炳帝庭
自古東明陪出日
祇今南極是前星

鈞天歲歲家人禮
長對瑤階第四賞

並世勲華照古今
朱明綵服侍尊臨
邦家大慶重親

養社稷元良萬國心
菊露壺觴秋色正
桂風殿閣月

香深欲知天序無
疆處銅律聲中治世音

寄題漢中新作南樓二首

我作籌邊倚半霄
西山雲雪照弓刀
如今且說南樓勝
應共漢壇相對高

甲子周天事好還
關河響動劔光寒
秦川草木都如薺
時倚樓欄直北看

次韻李子永見訪二首

混俗休超俗居家似出家有為皆影事無念即生涯
莫覓安心法翻成捏目花作糜須穀粟千劫漫蚊砂
有意能停棹多情易憶家清詩穿月脇遠夢繞天涯
雨蝶衣濡粉秋蚊喙吐花新涼宜小駐談笑有丹砂

自詠瘦悴

皮下無多肉秋來瘦不禁骨稜春焙銛筋蹙海山沈
蟣虱從何有蚤蠅枉見侵惟餘老筇杖相伴兩虛心

石湖居士文集卷第二十七



